



O'ZBEKISTON RESPUBLIKASI VAZIRLAR MAHKAMASINING QARORI

20 23 yil « 17» avgust № 396

Toshkent sh.

Автомототранспорт воситалари ва шаҳар электр транспорти воситалари ҳайдовчиларини тайёрлаш ҳамда қайта тайёрлаш бўйича нодавлат таълим хизматларини кўрсатиш фаолиятини лицензиялашга оид қонунчилик такомиллаштирилиши муносабати билан Ўзбекистон Республикаси Ҳукуматининг айрим қарорларига ўзгартириш ва қўшимчалар киритиш тўғрисида

Ўзбекистон Республикасининг “Ўзбекистон Республикасининг айрим қонун ҳужжатларига қўшимча ва ўзгартишлар киритиш тўғрисида” 2023 йил 6 февралдаги ЎРҚ–816-сон Қонунига мувофиқ, шунингдек, автоматотранспорт воситалари ва шаҳар электр транспорти воситалари ҳайдовчиларини тайёрлаш ҳамда қайта тайёрлаш бўйича нодавлат таълим хизматларини кўрсатувчи тадбиркорлик субъектлари фаолиятини самарали ташкил этиш мақсадида Вазирлар Маҳкамаси **қарор қилади:**

1. Ўзбекистон Республикасининг “Ўзбекистон Республикасининг айрим қонун ҳужжатларига қўшимча ва ўзгартишлар киритиш тўғрисида” 2023 йил 6 февралдаги ЎРҚ–816-сон Қонунига мувофиқ автоматотранспорт воситалари ва шаҳар электр транспорти воситалари ҳайдовчиларини тайёрлаш ҳамда қайта тайёрлаш соҳасида нодавлат таълим хизматларини кўрсатиш фаолиятини лицензиялаш, шунингдек, автоматотранспорт воситалари ва шаҳар электр транспорти воситалари ҳайдовчиларининг малакасини ошириш фаолиятини бошлаганлик ёки тугатганлик тўғрисида хабардор қилиш тартиб-таомиллари соҳасидаги ваколати орган сифатида Ўзбекистон Республикаси Ички ишлар вазирлиги белгиланганлиги маълумот учун қабул қилинсин.

2. Ўзбекистон Республикаси Ҳукуматининг иловага мувофиқ айрим қарорларига қуйидагиларни назарда тутувчи ўзгартириш ва қўшимчалар киритилсин:

а) Ўзбекистон Республикаси Ички ишлар вазирлигини:

автомототранспорт воситалари ва шаҳар электр транспорти воситалари ҳайдовчиларини тайёрлаш ва қайта тайёрлаш бўйича нодавлат таълим хизматларини кўрсатиш фаолиятини лицензиялаш;

автомототранспорт воситалари ва шаҳар электр транспорти воситалари ҳайдовчиларининг малакасини ошириш фаолиятини бошлаганлик ёки тугатганлик тўғрисида хабардор қилиш тартиб-таомиллари соҳасида ваколатли орган сифатида белгилаш;

б) автоматотранспорт воситалари ва шаҳар электр транспорти воситалари ҳайдовчиларини тайёрлаш ва қайта тайёрлаш бўйича нодавлат таълим хизматларини кўрсатиш фаолиятини лицензиялаш паспортини тасдиқлаш.

3. Белгилаб қуйилсинки, автоматотранспорт воситалари ҳамда шаҳар электр транспорти воситалари ҳайдовчиларини тайёрлаш ва қайта тайёрлаш бўйича нодавлат таълим хизматларини кўрсатиш фаолияти билан шуғулланувчи юридик шахсларга лицензия беришда, уларнинг лицензия талаблари ва шартларига мувофиқлиги Ўзбекистон Республикаси Ички ишлар вазирлиги томонидан Олий таълим, фан ва инновациялар вазирлиги ҳамда Транспорт вазирлигининг мутахассисларини жалб қилган ҳолда ўрганилади.

4. Ўзбекистон Республикаси Ички ишлар вазирлиги уч ой муддатда автоматотранспорт воситалари ва шаҳар электр транспорти воситалари ҳайдовчиларини тайёрлаш ва қайта тайёрлаш бўйича нодавлат таълим хизматларини кўрсатиш учун лицензияга эга бўлган юридик шахслар фаолияти мазкур қарор билан белгиланган лицензия талаблари ва шартларига мувофиқлаштирилишини таъминласин.

5. Ушбу қарор расмий эълон қилинган кундан эътиборан уч ой ўтгач кучга киради.

6. Мазкур қарорнинг бажарилишини назорат қилиш Ўзбекистон Республикаси ички ишлар вазири П.Р. Бобожонов зиммасига юклансин.

**Ўзбекистон Республикасининг
Бош вазири**



А. Арипов

Вазирлар Маҳкамасининг
2023 йил 17 августдаги 396 -сон қарорига
илова

Ўзбекистон Республикаси Ҳукуматининг айрим қарорларига киритилаётган ўзгартириш ва қўшимчалар

1. Вазирлар Маҳкамасининг “Автомобилтранспорт воситалари ҳайдовчиларини тайёрлаш, қайта тайёрлаш ва уларнинг малакасини ошириш тизимини такомиллаштириш чора-тадбирлари тўғрисида” 2018 йил 23 февралдаги 139-сон қарорининг 2-банди қуйидаги таҳрирда баён этилсин:

“2. Қуйидагилар автомобилтранспорт воситалари ва шаҳар электр транспорти воситалари ҳайдовчиларини тайёрлаш ҳамда қайта тайёрлаш бўйича нодавлат таълим ташкилотларининг фаолиятини лицензиялаш учун қўшимча лицензия талаблари ҳамда шартлари сифатида белгилансин:

ўқув жараёнига дарслар ўзлаштирилишини оширишга йўналтирилган ўқитиш мониторингини олиб бориш ва режалаштиришнинг автоматлаштирилган ахборот тизимини жорий этиш;

бутун ўқув жараёнини қамраб оладиган анимация эффектлари ва видеоконтентга эга электрон ўқув-услубий қўлланмаларнинг мавжуд бўлиши, ҳар бир таълим олувчини (тингловчини) ушбу ўқув қўлланмалари билан таъминлаш;

ҳар бир ўқитувчини ўқув дастурлари, турли педагогика технологияларидан фойдаланиш йўриқномаларини ўз ичига олган батафсил технологик карталар билан таъминлаш;

ҳар бири камида 40 квадрат метр майдонга эга бўлган ва битта ҳудудда жойлашган икки ёки ундан кўп аудиторияларнинг мавжуд бўлиши;

ҳар бир аудиторияда видеопроекторлар, компьютерлар, аудио ва видео кузатув тизимлари, Йўл ҳаракати қоидалари бўйича кўргазмали қўлланмалар, шунингдек, ўқув жараёни ва якуний тест синовининг ошқоралигини таъминлаш учун жараёни ёзиб олиш тизимининг мавжуд бўлиши;

таълим олувчилар билимларини якуний тест синовидан ўтказиш учун компьютерлар билан жиҳозланган алоҳида аудиториянинг мавжуд бўлиши.”.

2. Вазирлар Маҳкамасининг “Автомобилтранспорт воситалари ва шаҳар электр транспорт воситалари ҳайдовчиларини тайёрлаш ва қайта тайёрлаш ҳамда автомобилтранспорт воситаларини бошқариш ҳуқуқини берувчи ҳайдовчилик гувоҳномасини олиш учун назарий ва амалий имтиҳонларни ўтказиш бўйича нодавлат таълим хизматлари кўрсатиш фаолиятини лицензиялаш тартибини янада такомиллаштириш чора-тадбирлари тўғрисида” 2018 йил 31 майдаги 408-сон қарорида:

а) номи қуйидаги таҳрирда баён этилсин:

“Автомототранспорт воситалари ва шаҳар электр транспорти воситалари ҳайдовчиларини тайёрлаш ҳамда қайта тайёрлаш бўйича нодавлат таълим хизматларини кўрсатиш фаолиятини лицензиялаш тартибини янада такомиллаштириш чора-тадбирлари тўғрисида”;

б) 1-банднинг иккинчи хатбошиси қуйидаги таҳрирда баён этилсин:

“Автомототранспорт воситалари ва шаҳар электр транспорти воситалари ҳайдовчиларини тайёрлаш ҳамда қайта тайёрлаш бўйича нодавлат таълим хизматлари кўрсатиш фаолиятини лицензиялаш тартиби тўғрисидаги низом 1-иловага мувофиқ”;

в) 1-иловада:

номи қуйидаги таҳрирда баён этилсин:

“Автомототранспорт воситалари ва шаҳар электр транспорти воситалари ҳайдовчиларини тайёрлаш ҳамда қайта тайёрлаш бўйича нодавлат таълим хизматлари кўрсатиш фаолиятини лицензиялаш тартиби тўғрисидаги низом”;

1 ва 2-бандлар қуйидаги таҳрирда баён этилсин:

“1. Мазкур Низом автоматотранспорт воситалари ва шаҳар электр транспорти воситалари ҳайдовчиларини тайёрлаш ҳамда қайта тайёрлаш бўйича нодавлат таълим хизматлари кўрсатиш фаолиятини лицензиялаш тартибини белгилайди.

2. Автомототранспорт воситалари ва шаҳар электр транспорти воситалари ҳайдовчиларини тайёрлаш ҳамда қайта тайёрлаш бўйича нодавлат таълим хизматлари кўрсатиш фаолиятини ташкил этиш учун юридик шахсларга лицензия бериш, лицензия амал қилишини тўхтатиб туриш ёки тўхтатиш, шунингдек, уни бекор қилиш ва қайта расмийлаштириш Ўзбекистон Республикаси Ички ишлар вазирлиги (кейинги ўринларда – Ички ишлар вазирлиги) томонидан амалга оширилади.”;

2-боб ўз кучини йўқотган деб ҳисоблансин;

7-банд қуйидаги таҳрирда баён этилсин:

“7. Лицензия олиш учун лицензия даъвогари қуйидаги ҳужжатларни давлат хизматлари марказларига тақдим этади ёки электрон шаклда Ягона интерактив давлат хизматлари портали ёхуд “Лицензия” ахборот тизими орқали юборади:

мазкур Низомга 1-иловада келтирилган Автомототранспорт воситалари ва шаҳар электр транспорти воситалари ҳайдовчиларини тайёрлаш ҳамда қайта тайёрлаш бўйича нодавлат таълим хизматларини кўрсатиш фаолиятини лицензиялаш паспортининг 4-позициясида кўрсатилган ҳужжатлар;

ушбу Низомга 2-иловада келтирилган Автомототранспорт воситаларини бошқариш ҳуқуқини берувчи миллий ҳайдовчилик гувоҳномасини олиш учун назарий ва амалий имтиҳонларни ўтказишда фойдаланиладиган

объектларнинг жиҳозланишига қўйиладиган талабларнинг бажарилганлигини тасдиқловчи маълумотлар;

лицензия даъвогари томонидан аризани кўриб чиққанлик учун йиғим тўланганлигини тасдиқловчи ҳужжат.

Лицензия бериш тўғрисидаги аризада лицензия даъвогарининг электрон манзили кўрсатилгани унинг аризаси бўйича қабул қилинган қарор ҳақидаги электрон шаклда хабарнома олишга бўлган розилиги ҳисобланади.

Лицензия олишга даъвогар юридик шахс мазкур Низомга 1-иловага мувофиқ Автомототранспорт воситалари ва шаҳар электр транспорти воситалари ҳайдовчиларини тайёрлаш ҳамда қайта тайёрлаш бўйича нодавлат таълим хизматларини кўрсатиш фаолиятини лицензиялаш паспортида белгиланган лицензия талаблари ва шартларига риоя қилиши лозим.”;

9 ва 10-бандлар қуйидаги таҳрирда баён этилсин:

“9. Лицензия даъвогарининг аризасини кўриб чиқиш учун базавий ҳисоблаш миқдорининг икки баравари миқдорида йиғим ундирилади.

Лицензия олиш учун Ягона интерактив давлат хизматлари портали орқали мурожаат этилганда, ушбу банднинг биринчи хатбошида кўрсатилган йиғим суммасининг 90 фоизи ундирилади.

Йиғим суммаси қуйидаги тартибда тақсимланади:

а) давлат хизматлари марказларига ўзи келиб мурожаат этганда:

18 фоизи – Ўзбекистон Республикаси Адлия вазирлигининг Давлат хизматларини ривожлантириш жамғармасининг шахсий ҳисобварағига;

0,5 фоизи – Ўзбекистон Республикаси Рақамли технологиялар вазирлиги ҳузуридаги “Электрон ҳукумат лойиҳаларини бошқариш маркази” давлат муассасасининг Иқтисодиёт ва молия вазирлиги Ғазначилик хизмати кўмитасидаги махсус ҳисобварағига (ягона биллинг тизими орқали тасдиқланганлиги учун);

қолган маблағлар тўлиқ миқдорда лицензияловчи орган ҳисобварағига ўтказилади;

б) ЯИДХП ёки “Лицензия” ахборот тизими орқали мурожаат этилганда:

10 фоизи – Ўзбекистон Республикаси Адлия вазирлигининг Давлат хизматларини ривожлантириш жамғармасининг шахсий ҳисобварағига;

11,75 фоизи – Ўзбекистон Республикаси Рақамли технологиялар вазирлиги ҳузуридаги “Электрон ҳукумат лойиҳаларини бошқариш маркази” давлат муассасасининг Иқтисодиёт ва молия вазирлиги Ғазначилик хизмати кўмитасидаги махсус ҳисобварағига (шу жумладан, 0,5 фоизи – ягона биллинг тизими орқали тасдиқланганлиги учун);

қолган маблағлар тўлиқ миқдорда лицензияловчи орган ҳисобварағига ўтказилади.

Лицензия даъвогари берилган аризадан воз кечган тақдирда, тўланган йиғим суммаси қайтарилмайди.

10. Автомототранспорт воситалари ва шаҳар электр транспорти воситалари ҳайдовчиларини тайёрлаш ва қайта тайёрлаш бўйича нодавлат таълим хизматлари кўрсатиш фаолияти ушбу Низомга 3-иловадаги схемага мувофиқ лицензияланади.

Ариза давлат хизматлари марказлари орқали топширилганда, масъул ходим лицензия бериш учун ариза ва бошқа зарур ҳужжатларни рўйхат асосида қабул қилади. Давлат хизматлари марказларининг масъул ходими лицензия даъвогарининг аризасини зарур ҳужжатлар билан бирга Ички ишлар вазирлигига ариза қабул қилинган куни юборади.

Ариза Ягона интерактив давлат хизматлари портали ёки “Лицензия” ахборот тизими орқали юборилганда, лицензия даъвогарининг аризаси қабул қилинганлиги ҳақидаги электрон хабар Ички ишлар вазирлигининг масъул ходими томонидан лицензия даъвогарининг электрон манзилига юборилади.

Ички ишлар вазирлиги ариза қабул қилгандан сўнг 15 иш куни ичида ҳужжатларнинг лицензия талаблари ва шартларига мувофиқлигини ўрганади.

Ички ишлар вазирлиги Ўзбекистон Республикаси Олий таълим, фан ва инновациялар вазирлиги, Транспорт вазирлиги ҳамда Рақамли технологиялар вазирлиги ёки уларнинг ҳудудий бўлинмаларидан малакали мутахассисларни жалб этган ҳолда, лицензия даъвогарининг давлат таълим талабларида назарда тутилган моддий-техник ва ўқув-методик базага эга эканлиги тўғрисидаги экспертиза хулосаларини тайёрлаш жараёнини ташкил этади.

Тайёрланган экспертиза хулосалари ўрганиш жараёнида иштирок этган давлат органларининг масъул мутахассислари томонидан имзоланади.

Ижобий қарор қабул қилинган тақдирда, электрон лицензия расмийлаштирилади, электрон рақамли имзо билан тасдиқланади ҳамда давлат божи тўлангандан кейин давлат хизматлари марказлари ёки Ягона интерактив давлат хизматлари портали ёхуд “Лицензия” ахборот тизими орқали лицензия даъвогарига юборилади.

Лицензия беришни рад этиш тўғрисида қарор қабул қилинган тақдирда, 1 иш куни мобайнида лицензия даъвогарига рад этиш сабаблари ва лицензия даъвогари уларни бартараф этган ҳолда қайта кўриб чиқиш учун ариза бериши мумкин бўлган муддат кўрсатилган билдиришнома давлат хизматлари марказлари ёки Ягона интерактив давлат хизматлари ёхуд “Лицензия” ахборот тизими портали орқали юборилади.

Лицензия бериш ёки лицензия беришни рад этиш тўғрисидаги қарор лицензия даъвогарининг аризаси олинган кундан бошлаб 15 иш кунидан ортиқ бўлмаган муддатда қабул қилинади.”;

12-банднинг иккинчи хатбошиси қуйидаги таҳрирда баён этилсин:

“Лицензия даъвогари лицензия беришнинг рад этилиши тўғрисидаги қарор, шунингдек, Ички ишлар вазирлиги ходимларининг хатти-ҳаракатлари (ҳаракатсизлиги) юзасидан қонунчилик ҳужжатларида белгиланган тартибда шикоят қилиш ҳуқуқига эга”;

17-банд қуйидаги таҳрирда баён этилсин:

“17. Лицензия Ички ишлар вазирлиги томонидан тегишли ҳужжатлар илова қилинган ҳолда, лицензияни қайта расмийлаштириш тўғрисидаги ариза олинган кундан бошлаб 5 иш кунидан ортиқ бўлмаган муддатда қайта расмийлаштирилади”;

19-банддаги “Ўзбекистон Республикаси Вазирлар Маҳкамаси ҳузуридаги Таълим сифатини назорат қилиш давлат инспекцияси” сўзлари “, Ички ишлар вазирлиги” сўзлари билан алмаштирилсин;

21-бандда:

биринчи хатбошидаги “Ўзбекистон Республикаси Вазирлар Маҳкамаси ҳузуридаги Таълим сифатини назорат қилиш давлат инспекцияси” сўзлари “Ички ишлар вазирлиги Жамоат хавфсизлиги департаменти Йўл ҳаракати хавфсизлиги бошқармаси (кейинги ўринларда – ЙХХХ)” сўзлари билан алмаштирилсин;

иккинчи хатбошидаги “ДЙХХХ” сўзи “ЙХХХ” сўзи билан алмаштирилсин;

23-банд қуйидаги таҳрирда баён этилсин:

“23. Автомототранспорт воситалари ва шаҳар электр транспорти воситалари ҳайдовчиларини тайёрлаш ҳамда қайта тайёрлаш бўйича хизмат кўрсатиш фаолияти учун лицензия талаблари ва шартларига лицензиат томонидан риоя этилишини текшириш таълимни бошқариш тизими органлари ва бошқа ваколатли органларнинг тажрибали вакиллари иштирокида амалга оширилади.”;

24-банддаги “Ўзбекистон Республикаси Вазирлар Маҳкамаси ҳузуридаги Таълим сифатини назорат қилиш давлат инспекциясида” сўзлари “Ички ишлар вазирлигида” сўзлари билан алмаштирилсин;

25-банд қуйидаги таҳрирда баён этилсин:

“25. Лицензиянинг амал қилишини тўхтатиб туриш, тўхтатиш, лицензияни бекор қилиш Ўзбекистон Республикасининг “Лицензиялаш, рухсат бериш ва хабардор қилиш тартиб-таомиллари тўғрисида”ги Қонунида назарда тутилган ҳолларда ва тартибда Ички ишлар вазирлигининг қарорига мувофиқ амалга оширилади”;

29-банднинг биринчи хатбошиси қуйидаги таҳрирда баён этилсин:

“29. Автомототранспорт воситалари ва шаҳар электр транспорти воситалари ҳайдовчиларини тайёрлаш ҳамда қайта тайёрлаш бўйича нодавлат таълим хизматини кўрсатиш фаолиятини амалга ошириш ҳуқуқини берувчи лицензияни олиш учун базавий ҳисоблаш миқдорининг ўн баравари миқдорда давлат божи ундирилади.”;

30-банд қуйидаги таҳрирда баён этилсин:

“30. Давлат божи суммаси қуйидаги тартибда тақсимланади:

а) давлат хизматлари марказларига ўзи келиб мурожаат этганда:

18 фоизи – Ўзбекистон Республикаси Адлия вазирлигининг Давлат хизматларини ривожлантириш жамғармасининг шахсий ҳисобварағига;

0,5 фоизи – Ўзбекистон Республикаси Рақамли технологиялар вазирлиги ҳузуридаги “Электрон ҳукумат лойиҳаларини бошқариш маркази” давлат муассасасининг Иқтисодиёт ва молия вазирлиги Ғазначилик хизмати кўмитасидаги махсус ҳисобварағига (ягона биллинг тизими орқали тасдиқланганлиги учун);

20 фоизи – ахборот-коммуникация хизматларидан фойдаланган ҳолда хизматлар кўрсатиш ҳамда моддий-техник базасини мустаҳкамлаш учун лицензияловчи органнинг махсус ҳисобварағига;

давлат божи суммасининг қолган қисми Ўзбекистон Республикаси Давлат бюджетига ўтказилади;

б) Ягона интерактив давлат хизматлари портали ёки “Лицензия” ахборот тизими орқали мурожаат этилганда:

10 фоизи – Ўзбекистон Республикаси Адлия вазирлигининг Давлат хизматларини ривожлантириш жамғармасининг шахсий ҳисобварағига;

11,75 фоизи – Ўзбекистон Республикаси Рақамли технологиялар вазирлиги ҳузуридаги “Электрон ҳукумат лойиҳаларини бошқариш маркази” давлат муассасасининг Иқтисодиёт ва молия вазирлиги Ғазначилик хизмати кўмитасидаги махсус ҳисобварағига (шу жумладан 0,5 фоизи – ягона биллинг тизими орқали тасдиқланганлиги учун);

28,125 фоизи – ахборот-коммуникация хизматларидан фойдаланган ҳолда хизматлар кўрсатиш ҳамда моддий-техника базасини мустаҳкамлаш учун лицензияловчи органнинг махсус ҳисобварағига;

давлат божи суммасининг қолган қисми Ўзбекистон Республикаси Давлат бюджетига ўтказилади”;

1-илова қуйидаги таҳрирда баён этилсин:

“Автомобилтранспорт воситалари ва шаҳар электр
транспорти воситалари ҳайдовчиларини тайёрлаш ҳамда
қайта тайёрлаш бўйича нодавлат таълим хизматлари
кўрсатиш фаолиятини лицензиялаш тартиби
тўғрисидаги низомга
1-илова

**Автомобилтранспорт воситалари ва шаҳар электр транспорти
воситалари ҳайдовчиларини тайёрлаш ҳамда қайта тайёрлаш бўйича
нодавлат таълим хизматларини кўрсатиш фаолиятини лицензиялаш
ПАСПОРТИ**

1.	Лицензия номи:	Автомобилтранспорт воситалари ва шаҳар электр транспорти воситалари ҳайдовчиларини тайёрлаш ҳамда қайта тайёрлаш
2.	Ариза берувчилар тоифаси:	Юридик шахс

3.	Лицензияловчи орган:	Ўзбекистон Республикаси Ички ишлар вазирлиги
4.	Лицензияни олиш учун тақдим қилинадиган ҳужжатлар:	<p>а) ариза.</p> <p>Аризада қуйидагилар кўрсатилади:</p> <p>юридик шахснинг номи ва ташкилий-ҳуқуқий шакли, почта манзили, электрон почтаси (мавжуд бўлса), таълим фаолиятини амалга ошириш манзили, банк муассасасининг номи ва банк ҳисобварағи, солиқ тўловчининг идентификация рақами (СТИР), фаолиятнинг лицензияланаётган тури, таълим фаолияти йўналишлари рўйхати, ариза тўлдириш сабаби (янги лицензия олиш, қайта расмийлаштириш), лицензия даъвогарининг лицензия талаблари ва шартларига риоя қилишга розилиги;</p> <p>лицензия олмоқчи бўлган даъвогарлар аризада лицензияладиган фаолият билан бирга автототранспорт воситаларини бошқариш ҳуқуқини берувчи ҳайдовчилик гувоҳномасини олиш учун назарий ва амалий имтиҳонларни ўтказиш фаолияти билан шуғулланмоқчи бўлса, бу ҳақида алоҳида кўрсатиб ўтади;</p> <p>б) ёнғин ва санитария-эпидемиология хизмати органларининг мавжуд бинолар ва хоналарнинг ёнғин хавфсизлиги талабларига ва санитария-гигиена нормаларига мувофиқлиги тўғрисидаги ҳулосалари;</p> <p>в) педагог кадрлар (ҳайдовчи-йўриқчилар) ҳақида маълумот;</p> <p>г) ўқув режаси ва дастурларининг электрон нусхалари.</p> <p>Лицензияловчи орган қуйидаги маълумотларни “Ягона миллий меҳнат тизими” идоралараро дастурий-аппарат комплекси орқали автоматик равишда мустақил тарзда текширади:</p> <p>олий педагогик маълумот тўғрисидаги диплом ёки хорижий давлатда таълим олганлик тўғрисидаги ҳужжатни тан олиш ҳақидаги гувоҳнома (ҳайдовчи-йўриқчилар учун талаб қилинадиган маълумотни тасдиқловчи ҳужжат) нусхаси;</p> <p>педагог кадрлар (ҳайдовчи-йўриқчилар) иш стажини тасдиқловчи “Электрон меҳнат дафтарчаси” тизимидан кўчирма;</p> <p>д) ўзлаштиришни кўтаришга йўналтирилган, ўқитишни мониторинг қилиш ва режалаштириш имконини берувчи автоматлаштирилган ахборот тизимини мулкӣ ёки бошқа ашъвий ҳуқуқ билан юридик шахсга тегишлилиги ҳақидаги ҳужжат;</p> <p>е) бутун ўқув жараёнини қамраб оладиган давлат таълим талабларига мувофиқ уч ўлчамли анимация эффектлари ва видеоконтентга эга автототранспорт воситалари ва шаҳар электр транспорти воситалари ҳайдовчиларини тайёрлаш ва қайта тайёрлаш учун ишлаб чиқилган электрон ўқув-услубий қўлланмалар билан аккредитация муддатига мулкӣ ёки бошқа ашъвий ҳуқуқ билан таъминланганлиги ҳақидаги ҳужжат;</p> <p>ж) ҳайдовчиликка номзодларни назарий имтиҳондан ўтказиш учун ўқув дастурини қамраб олган электрон (анимацион) тест саволлари тўпламининг мулкӣ ёки бошқа ашъвий ҳуқуқ билан юридик шахсга тегишлилиги ҳақидаги ҳужжат (автототранспорт воситаларини бошқариш ҳуқуқини берувчи ҳайдовчилик гувоҳномасини олиш учун назарий ва амалий имтиҳонларни ўтказиш фаолияти билан шуғулланувчи тадбиркорлик субъектлари – юридик шахслар учун);</p>

		<p>з) назарий имтиҳонларни ўтказиш учун техник ва технологик воситалар билан махсус жиҳозланган зал (хоналар), автомобилотранспорт воситаларининг барча тоифалари бўйича амалий имтиҳонларни ўтказиш учун автоматлаштирилган автодром ва махсус жиҳозланган автомобилотранспорт воситаларининг мулкӣ ёки бошқа ашёвий ҳуқуқ билан юридик шахсга тегишлилиги ҳақидаги ҳужжат (автомилотранспорт воситаларини бошқариш ҳуқуқини берувчи ҳайдовчилик гувоҳномасини олиш учун назарий ва амалий имтиҳонларни ўтказиш фаолияти билан шуғулланувчи тадбиркорлик субъектлари – юридик шахслар учун);</p> <p>и) автомобилотранспорт воситаларини бошқариш ҳуқуқини берувчи ҳайдовчилик гувоҳномасини олиш учун назарий ва амалий имтиҳонларни ўтказишда фойдаланиладиган автоматлаштирилган тизимларнинг қонунчилик ҳужжатлари талабларига мувофиқлиги тўғрисида Ўзбекистон Республикаси Ички ишлар вазирлиги Жамоат хавфсизлиги департаменти Йўл ҳаракати хавфсизлиги хизматининг (кейинги ўринларда – ЙХХХ) экспертиза хулосаси нусхаси (автомилотранспорт воситаларини бошқариш ҳуқуқини берувчи ҳайдовчилик гувоҳномасини олиш учун назарий ва амалий имтиҳонларни ўтказиш фаолияти билан шуғулланувчи тадбиркорлик субъектлари – юридик шахслар учун).</p>
5.	Аризани кўриб чиқиш учун тўланадиган йиғим миқдори:	Базавий ҳисоблаш миқдорининг 2 баравари
7.	Лицензия берилганлиги учун давлат божи миқдори:	Базавий ҳисоблаш миқдорининг 10 баравари
8.	Аризани кўриб чиқиш муддати:	15 иш кунда
9.	Лицензия талаблари ва шартлари:	<p>І. Умумий лицензия талаблари ва шартлари:</p> <p>а) Ўзбекистон Республикасининг таълим соҳасидаги қонунчилик ҳужжатларига мажбурий риоя қилиш;</p> <p>б) таълим-тарбия фаолияти юритиладиган бинога (хоналарга) мулкӣ ёки бошқа ашёвий ҳуқуқнинг мавжудлиги (олди-сотди шартномаси ёки кўчмас мулк ижараси шартномаси (агар бино ижарага олинган бўлса), кўчмас мулк объекти кадастр паспорти, кўчмас мулк объектига эгалик қилиш, ундан фойдаланиш ҳамда уни тасарруф этиш ҳуқуқини тасдиқловчи бошқа ҳужжатлар)*;</p> <p>в) таълим-тарбия жараёнини давлат таълим стандартларига (давлат таълим талабларига), ўқув режаси ва дастурларига, автомобилотранспорт воситалари ҳайдовчиларини тайёрлаш ва қайта тайёрлашга қўйиладиган давлат таълим талабларига, ўқув режаларига ва фанларнинг ўқув дастурларига, шунингдек, таълим ташкилотлари томонидан мустақил ишлаб чиқилиб, лицензия олиш пайтида тақдим этилган ўқув дастурларига мувофиқ ташкил этиш;</p> <p>г) таълимнинг мажбурий равишда дунёвий характерда бўлиши, таълим жараёнида урушни, зўравонликни тарғиб қилишдан фойдаланишга, фуқароларнинг конституциявий ҳуқуқлари ва эркинлиги камситилишига, мамлакатдаги хавфсизлик ва ижтимоий-сиёсий барқарорликка, жамиятнинг</p>

ҳуқуқий ва маънавий асосларига, фуқаролар осойишталигига, миллатлараро ва динлараро тотувликка раҳна солинишига, Ўзбекистон Республикаси тўғрисида ишончсиз маълумотлар тарқатилишига ва халқнинг тарихий, маданий ва маънавий қадриятлари бузиб кўрсатилишига йўл қўймаслик;

д) илғор халқаро тажрибаларни инобатга олган ҳолда, ўқитишнинг инновацион шакллари, усуллари ва замонавий технологиялардан фойдаланиш асосида таълим соҳасида фаолият самарадорлиги ва натижадорлигини ошириш;

е) таълим ташкилоти, таълим олувчилар ва педагог кадрлар (ҳайдовчи-йўриқчилар) тўғрисидаги тўғри, тўлиқ ва ишончли маълумотларни “Узлуксиз таълим” ахборот тизимига киритиш ва ҳар чоракда янгилаб бориш*;

ж) ҳар бир аудиторияда видеопроектор ёки диагонали 50 дюймдан кам бўлмаган интерактив монитор (телевизор), компьютер, аудио ва видеокузатув тизими, йўл ҳаракати қоидалари бўйича кўргазмали қўлланмалар, шунингдек, ўқув жараёни ва якуний тест синовларининг ошкоралигини таъминлаш учун ёзиб олиш тизимининг мавжуд бўлиши;

з) ўқув гуруҳлари фаолиятини самарали ташкил этиш ҳамда якуний имтиҳонларнинг шаффоф ўтказилиши ва натижаларининг ҳолислигини назорат қилиш бўйича маълумотларни ЎХХХнинг Ягона автоматлаштирилган ахборот тизимига реал вақт режимида киритиб бориш имкониятининг яратилганлиги;

и) лицензия даъвогарига лицензияланаётган фаолиятни амалга ошириш учун мўлжалланган, унга мулкӣ ёки бошқа ашёвий ҳуқуқ билан тегишли бўлган, белгиланган тартибда қайта жиҳозланган ва рўйхатга олинган ўқув автомобилотранспорт воситалари ёки шаҳар электр транспорти воситаларининг мавжудлиги;

к) автомобилотранспорт воситалари ҳайдовчиларини тайёрлаш ва қайта тайёрлаш ҳамда ҳайдовчилик гувоҳномасини олиш учун назарий ва амалий имтиҳонларни ўтказиш бўйича давлат таълим талабларига мувофиқ ўқитувчилар ва инструкторлар таркибининг мавжуд бўлиши;

л) таълим жараёнини қонунчилик ҳужжатлари билан давлат таълим муассасалари учун белгиланган кийиниш талабларига ҳамда таълим ташкилотининг ички тартиб-қоидаларига ва одоб-ахлоқ қоидаларига риоя қилган ҳолда ташкил қилиш;

м) битирувчиларга белгиланган тартибда таълим тўғрисида ҳужжат бериш.

II. Автотранспорт воситалари ва шаҳар электр транспорти воситалари ҳайдовчиларини тайёрлаш ва қайта тайёрлаш бўйича таълим хизматларини кўрсатиш юзасидан алоҳида лицензия талаблари ва шартлари:

Т/р	Лицензия талаблари ва шартлари	Бажарилиши лозим бўлган кўрсаткичлар
1.	Таълим фаолиятини амалга ошириш учун қайта жиҳозланган	олди-сотди шартномаси; автомобилотранспорт ижараси шартномаси (агар автомобилотранспорт воситаси ижарага олинган бўлса);

		<p>ва рўйхатга олинган ўқув автомобилотранспорт воситалари ёки шаҳар электр транспорти воситаларининг мавжудлиги:*</p>	<p>автомототранспорт воситаларини қайд этиш гувоҳномалари ва қайта жиҳозланганлиги тўғрисидаги гувоҳномалар. Бунда “В” тоифа учун ишлаб чиқарилганлигига 10 йилдан ортиқ бўлмаган, бошқа тоифалар учун ишлаб чиқарилганлигига 20 йилдан ортиқ бўлмаган автомобилотранспорт воситалари бўлиши лозим;</p> <p>автомототранспорт воситасига эгалик қилиш, ундан фойдаланиш ҳамда уни тасарруф этиш ҳуқуқини тасдиқловчи бошқа ҳужжатлар.</p>
	2.	<p>Ўқув ва ўқув-методик адабиётлар ҳамда ахборот-ресурс базаси билан таъминланганлиги:*</p>	<p>камида 5 та компьютер техникаси, сканер ва нусха кўчириш аппарати билан жиҳозланган ахборот-ресурс маркази;</p> <p>таълим олувчилар учун электрон ўқув-методик қўлланма;</p> <p>ҳар бир ўқитувчига ўқув қўлланмаси ва қўшимча адабиётлар.</p>
	3.	<p>Таълим олувчиларнинг максимал сони:*</p>	<p>гуруҳда – 24 нафар.</p>
	4.	<p>Таълим олувчилар сонига тўғри келадиган ўқитувчилар ва ҳайдовчи-йўриқчилар штат бирликлари:*</p>	<p>ўқитувчи – 24 нафаргача таълим олувчига 1 штат бирлиги;</p> <p>ҳайдовчи-йўриқчи – 12 нафаргача таълим олувчига 1 штат бирлиги.</p>
	5.	<p>Ўқитувчиларнинг минимал сони:*</p>	<p>автотранспорт мутахассислиги бўйича олий маълумотга эга ўқитувчилар сони – 1 нафар;</p> <p>шошилиш тиббий ёрдам кўрсатиш ёки тиббиёт ихтисослиги бўйича олий ёки ўрта махсус маълумотга эга йўриқчилар (парамедиклар) сони – 1 нафар;</p> <p>автотранспорт воситасини бошқариш бўйича уч йил (“D” тоифаси учун беш йил) стажга эга ҳайдовчи-йўриқчилар сони – 1 нафар.</p>
	6.	<p>Ҳайдовчиларни тайёрлаш таълим ташкилоти ва унинг ҳудудига қўйиладиган талаблар:*</p>	<p>туңги ёритгичлар ўрнатилганлиги;</p> <p>ичимлик сув ва канализация билан таъминланганлиги;</p> <p>ҳожатхона билан таъминланганлиги;</p> <p>ҳар бири камида 40 м² майдонга эга бўлган ва битта ҳудудда жойлашган камида иккита хонанинг (аудитория) мавжудлиги;</p>

			<p>йўл ҳаракати қоидалари, йўл ҳаракати хавфсизлиги асослари ва биринчи ёрдам кўрсатиш бўйича ўқув аудиториясини автотранспорт воситалари ҳайдовчиларини тайёрлаш ва қайта тайёрлашга қўйиладиган давлат таълим талабларида белгиланган мезонларга мувофиқ жиҳозланганлиги;</p> <p>автотранспорт воситаларининг тузилиши, ишлатилиш асослари, уларга техник (сервис) хизмат кўрсатиш ва меҳнатни муҳофаза қилиш бўйича ўқув аудиториясининг мавжудлиги;</p> <p>ўқув автодромининг ҳажми, ҳайдовчиликка номзодларнинг сони ҳамда ушбу ўқув автодромидан фойдаланувчи бошқа шахслар сонидан келиб чиқиб, унумдорлиги (сиғими) амалий машғулотларни ўтказиш учун етарли бўлган ҳамда Ички ишлар вазирлиги томонидан белгиланган тартибда жиҳозланган, ўзига мулкӣ ёки бошқа ашёвий ҳуқуқ билан (ижара, фойдаланиш ёки бошқа ҳуқуқ асосида) тегишли бўлган ўқув автодромининг мавжудлиги;</p> <p>таълим олувчиларнинг билимларини якуний тест синовларидан ўтказиш учун камида 10 та компьютер техникаси билан жиҳозланган алоҳида хонанинг мавжудлиги.</p>
7.	Ахборот технологиялари билан таъминланганлик даражаси:*		<p>камида 75 фоиз компьютер техникалари 10 мбит/сек тезликдаги Интернет жаҳон ахборот тармоғига уланганлиги;</p> <p>камида 30 фоиз ҳудудда Wi-Fi зоналар ташкил этилиши.</p> <p>турникет ҳамда аудио ва видеокузатув тизими;</p> <p>ўқув жараёнига ўзлаштиришни оширишга йўналтирилган ўқитиш мониторингини олиб бориш ва режалаштиришнинг автоматлаштирилган ахборот тизимини жорий этилганлиги;</p>

			<p>ҳар бир таълим олувчи (тингловчи)ни бутун ўқув жараёнини қамраб оладиган давлат таълим талабларига мувофиқ уч ўлчамли анимация эффектлари ва видеоконтентга эга электрон ўқув-услубий қўлланмалар билан таъминланганлиги;</p> <p>таълим олувчи (тингловчи)ларнинг билимларини яқуний тест синовларидан ўтказиш учун уларни идентификация қилиш, улардан назарий имтиҳонни инсон омилисиз, автоматлаштирилган ҳолда қабул қилиш, натижаларини баҳолаш, электрон баённомаларни шакллантириш ва узатиш тизимларига эга бўлган дастурий таъминот ўрнатилган компьютерлар билан жиҳозланган алоҳида аудиториянинг мавжудлиги.</p>						
		8.	<p>Ўқув аудиторияларида таълим фаолияти учун яратилган шароитларга қўйиладиган минимал талаблар:*</p> <p>ўлчами 1500x1000, 1500x2000 ёки 2500x2000 бўлган электрон ёки оддий доска – 1 та; видеопроектор ёки экран ўлчами камида 50 дюйм бўлган интерактив монитор (телевизор) – 1 та; видеокузатув тизими видеокамералари – 4 та; аудиториянинг ёритилиш даражаси – 400 люкс.</p>						
		<p>III. Автомототранспорт воситаларини бошқариш ҳуқуқини берувчи ҳайдовчилик гувоҳномасини олиш учун назарий ва амалий имтиҳонларни ўтказиш фаолияти билан шуғулланувчи тадбиркорлик субъектлари – юридик шахсларга қўйиладиган лицензия талаблари ва шартлари:</p>							
			<table border="1"> <thead> <tr> <th>Т/р</th> <th>Лицензия талаблари ва шартлари</th> <th>Бажарилиши лозим бўлган кўрсаткичлар</th> </tr> </thead> <tbody> <tr> <td>1.</td> <td>Автомото-транспорт воситаларини бошқариш ҳуқуқини берувчи ҳайдовчилик гувоҳномасини олиш учун назарий ва амалий имтиҳонларни ўтказиш учун ўқув автоматотранспорт воситаларининг мавжудлиги:*</td> <td> <p>8 нафар таълим олувчига –тегишли “В” тоифадаги 1 та автоматотранспорт воситаси.</p> <p>12 нафар таълим олувчига –тегишли “С” тоифадаги 1 та автоматотранспорт воситаси.</p> <p>24 нафар таълим олувчига –тегишли “D” тоифадаги 1 та автоматотранспорт воситаси.</p> </td> </tr> </tbody> </table>	Т/р	Лицензия талаблари ва шартлари	Бажарилиши лозим бўлган кўрсаткичлар	1.	Автомото-транспорт воситаларини бошқариш ҳуқуқини берувчи ҳайдовчилик гувоҳномасини олиш учун назарий ва амалий имтиҳонларни ўтказиш учун ўқув автоматотранспорт воситаларининг мавжудлиги:*	<p>8 нафар таълим олувчига –тегишли “В” тоифадаги 1 та автоматотранспорт воситаси.</p> <p>12 нафар таълим олувчига –тегишли “С” тоифадаги 1 та автоматотранспорт воситаси.</p> <p>24 нафар таълим олувчига –тегишли “D” тоифадаги 1 та автоматотранспорт воситаси.</p>
Т/р	Лицензия талаблари ва шартлари	Бажарилиши лозим бўлган кўрсаткичлар							
1.	Автомото-транспорт воситаларини бошқариш ҳуқуқини берувчи ҳайдовчилик гувоҳномасини олиш учун назарий ва амалий имтиҳонларни ўтказиш учун ўқув автоматотранспорт воситаларининг мавжудлиги:*	<p>8 нафар таълим олувчига –тегишли “В” тоифадаги 1 та автоматотранспорт воситаси.</p> <p>12 нафар таълим олувчига –тегишли “С” тоифадаги 1 та автоматотранспорт воситаси.</p> <p>24 нафар таълим олувчига –тегишли “D” тоифадаги 1 та автоматотранспорт воситаси.</p>							

		<p>2. Автомото-транспорт воситаларини (троллейбус ва трамвайдан ташқари) бошқариш ҳуқуқини берувчи ҳайдовчилик гувоҳномасини олиш учун назарий ва амалий имтиҳонларни ўтказиш бўйича таълим ташкилотига қўйиладиган талаблар (ушбу талаблар автомототранспорт воситаларини бошқариш ҳуқуқини берувчи ҳайдовчилик гувоҳномасини олиш учун назарий ва амалий имтиҳонларни ўтказиш фаолияти билан шуғулланувчи тадбиркорлик субъектлари учун татбиқ этилади):*</p>	<p>ҳайдовчиликка номзодларни имтиҳондан ўтказиш бўйича давлат хизматини кўрсатиш учун электрон буюртма (муурожаат)ларни қабул қилиш тизимининг мавжудлиги; ҳайдовчиликка номзодларнинг электрон рўйхатини шакллантириш, имтиҳонларни ўтказиш муддатларини белгилаш ва ҳайдовчиликка номзодларни ҳамда ЙХХХ масъул ходимини олдиндан хабардор қилиш тизимининг шакллантирилганлиги; ҳайдовчиликка номзодларни назарий имтиҳондан ўтказиш учун ўқув дастурини қамраб олган электрон (анимацион) тест саволлари тўпламининг шакллантирилганлиги; имтиҳонларни ўтказиш тизимлари унумдорлигининг хизмат кўрсатиш ҳудуди (Қорақалпоғистон Республикаси, вилоятлар, Тошкент шаҳри)да имтиҳон топширувчилар сонига мувофиқлиги; диспетчерлик (назорат) пункти ҳайдовчиликка номзодларнинг ҳаракатларини кўрсатиб турадиган компьютер ва мониторлар, автоматлаштирилган автодром тизимининг элементи сифатида ишлайдиган ахборотни доимий қабул қилиш, узатиш ва қайта ишлаш ускуналари, овозли алоқа воситалари билан тўлиқ жиҳозланган бўлиши; ҳайдовчиликка номзодларни идентификация қилиш, улардан назарий ва амалий имтиҳонларни инсон омилсиз, автоматлаштирилган ҳолда қабул қилиш, натижаларини баҳолаш, электрон баённомаларни шакллантириш ва узатиш бўйича ахборот тизимининг мавжудлиги; назарий ва амалий имтиҳонларни муваффақиятли топширган шахсларга ҳайдовчилик гувоҳномасини олиш учун асос бўладиган махсус ҳимояланган сертификатларни шакллантириш, сертификатлар реквизитларини давлат хизматлари маркази ҳамда ички ишлар органларига автоматлаштирилган ҳолда тақдим этиш имкониятининг мавжудлиги;</p>
--	--	---	---

			<p>ўтказилган имтиҳон натижалари бўйича электрон маълумотлар базасини шакллантириш, уларнинг таҳлилларини ЙҚХХга мунтазам тақдим этиб бориш;</p> <p>имтиҳонлар жараёнини ЙҚХХ ва унинг ҳудудий бўлинмалари томонидан онлайн режимда назорат қилиш ҳамда жамоатчилик эътиборига видеотрансляция қилиш имкониятининг мавжудлиги.</p> <p>имтиҳонларни ўтказиш бўйича давлат хизматларини кўрсатишга доир тартиб-таомиллар (мурожаатларни қабул қилиш, қайд этиш, кўриб чиқиш, имтиҳонларни ташкил этиш, ўтказиш, баҳолаш мезонлари, ахборот алмашинуви, иш юритиш ва бошқа маъмурий тартиб-таомиллар) ЙҚХХ билан 15 иш куни мобайнида келишилган ҳолда тасдиқланганлиги.</p>	
		3.	<p>Ҳайдовчиларни тайёрлаш таълим ташкилотининг ҳудудига қўйиладиган талаблар:*</p>	<p>туңги ёритгичлар ўрнатилганлиги; ичимлик сув ва канализация билан таъминланганлиги; ҳожатхона билан таъминланганлиги; автомобилотransпорт воситаларининг тоифа(лар) йўналиши бўйича амалий имтиҳонларни ўтказиш учун камида 10000 м² ер майдонига эга бўлган, автоматлаштирилган автодром ва махсус жиҳозланган автомобилотransпорт воситаларининг мавжудлиги, уларнинг белгиланган талабларга мувофиқлиги;</p>
		4.	<p>Ахборот технологиялари билан таъминланганлик даражаси:*</p>	<p>аудио ва видеокузатув тизими мавжудлиги; назарий имтиҳонларни ўтказишнинг ошкоралигини таъминлаш учун видео ёзиб олиш тизими мавжудлиги; имтиҳонлар жараёнини ЙҚХХ ва унинг бўлинмалари томонидан онлайн режимда назорат қилиш ҳамда жамоатчилик эътиборига видеотрансляция қилиш имкониятининг мавжудлиги; ҳайдовчиликка номзодларни идентификация қилиш, улардан назарий ва амалий имтиҳонларни инсон омилсиз, автоматлаштирилган ҳолда қабул қилиш, натижаларини баҳолаш, электрон баённомаларни шакллантириш ва узатиш тизимларининг мавжудлиги;</p>

			назарий имтиҳонларни ўтказиш учун 20 мбит/сек тезликдаги Интернет жаҳон ахборот тармоғига уланган камида 25 та компьютер техникаси билан жиҳозланган алоҳида кабиналарга ажратилган (оператор ва номзодлар махсус ойна билан ажратилган), шунингдек, техник воситалар (камералар) билан махсус жиҳозланган зал (хоналар)нинг мавжудлиги;
		5.	Имтиҳон топширувчиларнинг максимал сони:*
			Гуруҳда – 24 нафар
10.	Лицензия беришда келишиладиган органлар:	а) давлат ёнгин назорати органлари томонидан мавжуд бинолар ва хоналарнинг ёнгин хавфсизлиги талабларига мувофиқлиги тўғрисидаги хулоса (5 иш куни ичида); б) санитария-эпидемиология хизмати органлари томонидан санитария-гигиена нормаларига мувофиқлиги тўғрисидаги хулоса (5 иш куни ичида).	
11.	Лицензиянинг амал қилиш муддати:	Чекланмаган	
12.	Изоҳ.	*) <i>Кўпол равишда бузиш деб ҳисобланадиган талаб ва шартлар.</i>	

қуйидаги мазмундаги 3-илова билан тўлдирилсин:

“Автомототранспорт воситалари ва шаҳар электр транспорти воситалари ҳайдовчиларини тайёрлаш ҳамда қайта тайёрлаш бўйича нодавлат таълим хизматлари кўрсатиш фаолиятини лицензиялаш тартиби тўғрисидаги низомга
3-илова

**Автомототранспорт воситалари ва шаҳар электр транспорти воситалари ҳайдовчиларини тайёрлаш ҳамда қайта тайёрлаш бўйича нодавлат таълим хизматлари кўрсатиш фаолиятини лицензиялаш
СХЕМАСИ**

Босқичлар	Субъектлар	Чора-тадбирлар	Бажариш муддатлари
1-босқич	Лицензия даъвогари (юридик шахс)	Нодавлат таълим хизматлари кўрсатиш соҳасида лицензия олиш учун хужжатларни давлат хизматлари марказлари ёки Ягона интерактив давлат хизматлари портали ёхуд “Лицензия” ахборот тизими орқали юбориш.	Лицензия даъвогарининг хоҳишига кўра

2-босқич	Давлат хизматлари марказлари ходимлари ёки Ягона интерактив давлат хизматлари портали ёхуд “Лицензия” ахборот тизимига киритиш учун масъул ходим	<ol style="list-style-type: none">1. Лицензия бериш учун ариза ва рўйхатда кўрсатилган маълумотларни қабул қилиш.2. Лицензия даъвогарига ариза қабул қилинган сана қайд этилган рўйхатга олиш нухасини бериш ёки даъвогарнинг электрон почта манзилига юбориш.3. Лицензия даъвогаридан қабул қилинган барча ҳужжатларни Ички ишлар вазирлигининг электрон почта манзилига юбориш.	Ариза қабул қилинган кун
3-босқич	Ички ишлар вазирлиги	<ol style="list-style-type: none">1. Ички ишлар вазирлиги Олий таълим, фан ва инновациялар вазирлиги, Транспорт вазирлиги ҳамда Рақамли технологиялар вазирлиги ёки уларнинг худудий бўлинмалари малакали мутахассисларидан иборат экспертлар гуруҳининг хулосасини тайёрлаш.2. Лицензия даъвоғари лицензия талаблари ва шартларига мувофиқлигини ўрганиш.3. Электрон лицензияни рақамли имзо билан тасдиқлаб, давлат хизматлари марказлари ёки Ягона интерактив давлат хизматлари портали ёхуд “Лицензия” ахборот тизимига юбориш.4. Лицензия беришни рад этиш тўғрисида қарор қабул қилинганда, лицензия даъвогарига рад этиш сабаблари ва лицензия даъвоғари уларни бартараф этган ҳолда қайта кўриб чиқиш учун ариза бериши мумкин бўлган муддат кўрсатилган билдиришномани юбориш.	Ариза қабул қилинган вақтдан бошлаб 15 иш куни ичида Ҳужжатлар ўрганилгандан сўнг 1 иш куни ичида
4-босқич	Давлат хизматлари марказлари ходимлари ёки Ягона интерактив давлат хизматлари портали ёхуд “Лицензия” ахборот тизимига киритиш учун масъул ходим	<ol style="list-style-type: none">1. Лицензиатнинг банк ҳисобварағи реквизитлари ва давлат божини тўлаш муддати ҳақида хабардор қилиш.2. Давлат божи тўлангандан сўнг лицензияни тақдим этиш.	Электрон лицензия келиб тушган кун Давлат божи тўлангандан сўнг бир иш куни ичида

г) 2-иловада:

6-банднинг биринчи хатбошиси куйидаги тахрирда баён этилсин:

“6. Комиссия давлат таълим муассасасида ҳайдовчиларни тайёрлаш (қайта тайёрлаш, малакасини ошириш) фаолиятини амалга ошириш учун яратилган шарт-шароитларнинг Автомототранспорт воситалари ва шаҳар электр транспорти воситалари ҳайдовчиларини тайёрлаш ҳамда қайта тайёрлаш бўйича нодавлат таълим хизматлари кўрсатиш фаолиятини лицензиялаш тартиби тўғрисидаги низом талабларига мувофиқлигини ўрганиб чиқади”;

9-банднинг биринчи хатбошисидаги “Вазирлар Маҳкамаси ҳузуридаги Таълим сифатини назорат қилиш давлат инспекцияси” сўзлари “Ички ишлар вазирлиги” сўзлари билан алмаштирилсин;

15-банднинг биринчи хатбошисидаги “Вазирлар Маҳкамаси ҳузуридаги Таълим сифатини назорат қилиш давлат инспекциясининг Қорақалпоғистон Республикаси ва вилоятлардаги ҳудудий бўлимлари” сўзлари “Ички ишлар вазирлигининг тегишли ҳудудий ЙХХБлари” сўзлари билан алмаштирилсин;

16-банддаги “Давлат инспекцияси томонидан” сўзлари чиқариб ташлансин;

д) 2¹-иловада:

2-банддаги “кўрсатиш учун” сўзлари “кўрсатиш ҳуқуқини берувчи тегишли” сўзлари билан алмаштирилсин;

5-банддаги “кўрсатиш учун” сўзлари “кўрсатиш ҳуқуқини берувчи тегишли” сўзлари билан алмаштирилсин;

37-банд куйидаги тахрирда баён этилсин:

“37. Амалий имтиҳон ўтказиладиган транспорт воситаларининг жиҳозланиши ҳамда автоматлаштирилган автодром Автомототранспорт воситалари ва шаҳар электр транспорти воситалари ҳайдовчиларини тайёрлаш ҳамда қайта тайёрлаш бўйича нодавлат таълим хизматлари кўрсатиш фаолиятини лицензиялаш тартиби тўғрисидаги низомга 2-иловага мувофиқ тасдиқланган Автомототранспорт воситаларини бошқариш ҳуқуқини берувчи миллий ҳайдовчилик гувоҳномасини олиш учун назарий ва амалий имтиҳонларни ўтказишда фойдаланиладиган объектларнинг жиҳозланишига кўйиладиган талабларга мувофиқ бўлиши керак.”;

43-банд ўз кучини йўқотган деб ҳисоблансин;

е) 3-иловада:

7-банддаги “Вазирлар Маҳкамаси ҳузуридаги Таълим сифатини назорат қилиш давлат инспекцияси (кейинги ўринларда Давлат инспекцияси деб аталади)” сўзлари “Ўзбекистон Республикаси Ички ишлар вазирлиги” сўзлари билан алмаштирилсин;

19-банддаги “Давлат инспекцияси” сўзлари “Ўзбекистон Республикаси Ички ишлар вазирлиги” сўзлари билан алмаштирилсин.

3. Вазирлар Маҳкамасининг “Россия Федерациясида бўлиб турган Ўзбекистон Республикаси фуқароларига янги намунадаги миллий ҳайдовчилик гувоҳномаларини беришда қулайликлар яратиш бўйича чора-тадбирлар тўғрисида” 2021 йил 2 ноябрдаги 667-сон қарорининг 1-банди тўртинчи хатбошидаги “2023” рақами “2024” рақами билан алмаштирилсин.

4. Вазирлар Маҳкамасининг 2022 йил 21 февралдаги 80-сон қарори билан тасдиқланган Махсус электрон тизим орқали айрим фаолият турларини лицензиялаш тартиби тўғрисидаги ягона низомга 2-иловада:

а) 2-позициянинг “е” кичик банди ўз кучини йўқотган деб ҳисоблансин;

б) 5-позицияда:

“б” кичик банддаги “(ҳайдовчи-йўриқчилар)” сўзлари чиқариб ташлансин;

“в” кичик банда:

учинчи хатбошидаги “(ҳайдовчи-йўриқчилар учун талаб қилинадиган маълумотни тасдиқловчи ҳужжат)” сўзлари чиқариб ташлансин;

тўртинчи хатбошидаги “(ҳайдовчи-йўриқчилар)” сўзлари чиқариб ташлансин;

в) 9-позиция ўз кучини йўқотган деб ҳисоблансин;

г) 10-позициянинг “г” кичик банди ўз кучини йўқотган деб ҳисоблансин.

5. Вазирлар Маҳкамасининг 2022 йил 25 февралдаги 88-сон қарори билан тасдиқланган Фаолиятни бошлаш ёки тугатиш учун ваколатли органни хабардор қилиш тартиби тўғрисидаги ягона низомга 8-илованинг 4-позициясидаги “Вазирлар Маҳкамаси ҳузуридаги Таълим сифатини назорат қилиш давлат инспекцияси” сўзлари “Ўзбекистон Республикаси Ички ишлар вазирлиги” сўзлари билан алмаштирилсин.

